



ی - معناك نفسده برصورتله حصولیدر که
معناك نفسده حاصل اولدیغی وجهك غیرده
اولسی احتمالی نفسده تظرق ایتمایلدیر
بو تعریفك صاحبی آمدی « معناك نفسده
حصولی ایله مرادم معناك نفسده کندوسندن
بشقه سندن تمیز ایدلسیدر واثباته نفیه مفرده
و مرکبه علم بو تعریفمه کی پروا اعتقادات
ومظنونات بوندن چیقار » دهرک تعریفی
بکندر مکه چالشمشدر

ذکر ایلدیکمز اشبو یکریمی طقوز عدد
تعریفه دیگر وجهلره دخی اعتراض اولنمش
یسه ده بیرینك کرک صاحباری و کرک ملترملری جا
نبندن اعتراضاتك کافه سنه جواب ویرلش و ممکن مرتبه
تعریفلری توجیه ایدلش و علمی بونلره تعریف
اظهار صوابدن بشقه برشیدن نشأت ایتماش
اولدیغندن بونلری ذکر و تعداددن مقصد من
اصحابی تحقیر اولوب بالعکس علمه تعریف
یایمق حد ذاته مشکل برشی ایدو کندن مشار
الیه می توقیردر

برطاق لفظلر علمله مترادف یعنی علم ایله تمام
تمامه بر معناده در ظن ایدلکده اولدیغندن دفع
شبهه ضمنیه انلرک بعضیسنك ذکر و
بیان و معنایینك افاده و اثباته مبادرت قلندری
ا - ادراک - (لقاو و وصول) قوه عاقله
ماهیت معقوله به بالوصول انی تحصیل ایتکه
ادراک و حاصل اولان شیئه مدرك دینور
ب - شعور - (ادراک بلا استنبات)
معلومك قوه عاقله به وصولی مرتبه لرینك
برنجیسیدر که ادراک مترزل دیمکدر بناء علیه
واجبه استعمال اولنماز

ت - تصور - قوه عاقله معنایه واقف
و بووقوف معنایی تمامیه مدرك اولسیدر
معلومدر که تصور صورتدن مشتق در و لفظ صورت

ایسه جسم متشکله حاصل هیئت جسمانییه به
موضوعدر لکن شکل و هیئت ماده جسمانییه ده
حال اولدقلری کبی حقائق معلومات دخی قوه
عاقله ده حال اولدیغی تخیل اولدیغندن تصور
لفظی - بوناویل سببیه - استعمال ایلدیکن
معناده قوللانلدی

ث - حفظ - صورتك عقلده حصول و تاد
واستحکامی و (صورتك) زائل اولسی لازم
کلسه قوه عاقله انی استرجاع و استعاده متمکن
و مقتدر اوله جق حیثیتده (صورتك) اولسیدر
حفظ بعد الضعف تا کدی مشعرو کندوسنه
انجق زوالی جائر اولان شی محتاج اولدیغندن علم
واجبه حفظ تسمیه اولنه ماز

ج - تذکر - صورت محفوظه قوه
عاقله دن زائل اولوبده ذهنك انی (صورت
محفوظه یی) استرجاعه محاوله ایتسیدر

« بوراده بر سؤال وارد که حل و کشفی اصحاب
« علوم وار باب فهم و مدن مطلوب بدرشویه که تذکر
« صورت زائله مذکور کوره نك رجوعنی یعنی قوه
« عاقله به عودتنی طلبدن عبارتدر . اگر بو صورت
« مشعور بها ایسه حاضر و حاصلدر و حاصلك
« تحصیلی ایسه ممکن دکادر بو تقدیرده استرجاعی
« ممکن اولورمی ؟ و اگر مشعور بها دکلسه ذهن
« اندن غافلدر ذهن ایسه غافل اولدیغی شیئی
« استرجاع ایتك مستحیلدر چونکه متصور
« اولیان شیئی طلب محالدر بو حالده استرجاعی
« ممکن اولورمی ؟ یوق ممکن دکل ایسه جمله من
« هر کون و هر ساعت فصل طلب
« و استرجاع ایدیورز ؟ بعض علما بو برسر در !
« دیمش بك اعلا اوسرندر ؟

ح - ذکر - تذکر کلامه سنك تعریفنده
مذکور « صورت زائله » نك استرجاعنه محاوله اولوبده
عودت ایدرسه بو وجدانه ذکر تسمیه اولنور

اگر بوا دراك مسيق بالزوال اولمازسه ذكر تسميه
اول نماز اشته بونك ايچون بر شاعر شويبي
سويادي :

الله يعلم اني استاذك
وكيف اذكركه اذ است انساه

مفهوم بيت : ايه بيلور كه بن ابي ذكر ايدرا اولدم
اني نه كيفيله ذكر ايد بيلور مكه اني فراموش ايدرا اولدم
بزم شيخ افنديلر بسبالي حق تعالى دن دائما غافل
اولمايدرلكه دائما ذكر ايدرز ديرلر
خ - معرفت - بولفظك تفسيرنده اقوال
علماء مختلفدر

بعضيلري ديدى كه : « معرفت جزئياتى ادراكه
وعلم كلياتى ادراكه دينور »

بعضيلري ديدى كه : « معرفت تصور وعلم
تصديقدر » بوطائفه تطويل مقال ايدرك عرفان
علمدن درجه اعظمدر چونكه محسوساتك
واجب الوجوب اولان موجوده استناديني
تصديقم بالضرورة معلوم برامدر اما حقيقتى
تصور طاقت بشريه نك فوقنده در زير ابرشيئك
وجودى بيلندم كه ماهيتى طلب اول نماز بناء عليه
هر عارف عالمدر وليكن هر عالم عارف دكلدر
چونكه مبادين علمده توغل وبحسب طاقت
بشريه منازل علمك مطالعندن مقاطعنه
ومباديسندن غاياته قدر ترقى ايتيانلره عارف
تسميه اول نماز ديدى

(بوطائفه نك شواووزون سوزلرندن الله عارف
انسانلر بولنمسي اكلا شيلور حالو كه بشردن
بر فرد الله بومعناجه عارف اوله ماز چونكه كنه
هويت الهيه وسر الوهيت ربانيه يه اطلاع ممتنع
ومحالدر !)

بعضيلري ديدى كه : برادم برشيئى ادر الكايدوبده
اول شيئك اثرى اول ادمك نفسنده منحفظ
اولدقد نصكره اول شبيئى دفعه ثابته ده اوله رق

برده ادرالك ايلر وبوايكنجى ادراك ايلديكى
شى اولادراك ايلديكى شى اولديغنى بيلور ايسه
اشته بو بيلمكه معرفت دينور برادمك مثلا
« احمد افندى يي بيلدم او فلان وقت كورديكيم
احمد افنديدر » ديمسندكى بيلدم فعلمك مشتق
منه اولان بيلمك لفظ مصدر يسنك مدلولى كبي
د - فهم - لفظ مخاطبدن برشى « تصور »
ايتكدر

ذ - فقه - خطاب مخاطبدن غرض مخاطبه
علمدر

ر - عقل - حسن وقبح وكال وتقصان
كبي صفات اشيايه علمدر

ز - درايت - حيلدن برنوع ايله حاصل
اولان معرفته يعنى بيلمكه دينور

س - حكمت - هر بر علم حسن وعمل
صالحك اسמידر

ش - يقين - برشى شويله درديو اعتقاد
ايتكندن عبارتدر

بو اعتقاد نظر عقل ويافطرة بديهى بر موجب
ايله حاصل اولورسه خلاف معتقد ممتنع اولور
ص - ذهن - غير حاصل علومى اكتساب
ايچون نفسك قوه سيدر يعنى نفسك علوم ومعارفى
تحصيله استعدادندن عبارتدر

ض - فكر - روحك تصديقات حاضردهن
تصديقات مستحضره يه انتقالدر

ط - حدس - (فكر علمى اتمام ايچون
مجهولك طرفينى بيننده توسط ايدر برشى بولمغه
يعنى وجدانه محتاجدر تا كه نسبت مجهوله معلوم
اوله زير انفس جاهل وظلمته واقف
اولديغندن كندوسنى سوق ايدر برسائقه
محتاجدر اشته بوسائق مجهولك طرفينى بيننده كى
متوسط اولوب بونك طرفيندن هر برينه نسبت
مخصوصه يي واردر اشبو متوسطك طرفينه